

BOLSAS E PRÁCTICAS PROFESIONAIS
FUNDACIÓN GALICIA EUROPA

1. Bolsas e prácticas profesionais

1.1. Fundación Galicia Europa

A Fundación Galicia Europa (FGE) ten entre os seus fins estatutarios fomentar o achegamento da realidade galega a Europa e potenciar o seguimento dos asuntos europeos e a formación en temas comunitarios. A FGE convoca anualmente bolsas para titulados superiores para contribuír á súa especialización neste eido. Tres das bolsas están destinadas ao seguimento das políticas comunitarias tendo como licenciaturas preferentes: grao ou licenciatura en Dereito, Dirección e Xestión Pública, Ciencias Políticas, Ciencias Económicas e Administración e Dirección de Empresas. As outras dúas prazas resérvase a graduados ou licenciados en Ciencias da Comunicación, para informar sobre as actividades da FGE e sobre a presenza galega en Bruxelas, a integración europea e a súa particular incidencia en Galicia.

BOLSAS DE FORMACIÓN EN ASUNTOS EUROPEOS PARA LICENCIADOS UNIVERSITARIOS NAS OFICINAS DA FGE

Requisitos

- Ser nacional dun dos Estados membros da Unión Europea.
- Ter nacido en Galicia, ser fillo de galegos ou acreditar residencia en Galicia desde antes do 1 de xaneiro de 2015.
- Estar en posesión dun título universitario superior (licenciatura ou grao) con posterioridade ao 31 de decembro de 2010.

Lugar

Oficinas da FGE en Santiago (unha praza) e en Bruxelas (tres prazas, unha delas reservada á bolsa de comunicación).

Prazos de solicitude

O prazo de presentación de solicitudes será dun mes contado a partir do día seguinte ao da publicación do anuncio da convocatoria no Diario Oficial de Galicia. Entenderase como último día do prazo o correspondente ao mesmo ordinal do día da publicación. Se o último día do prazo for inhábil, entenderase prorrogado ao primeiro día hábil seguinte e, se no mes do vencemento non houbera día equivalente ao inicial do cómputo, entenderase que o prazo expira o derradeiro do mes.

Proceso de selección

O proceso de selección dos beneficiarios das bolsas constará de dúas fases:

I.- Unha primeira fase de valoración de méritos. Polo que se refire á formación académica e laboral, atenderase ao expediente académico, aos estudos preferentes, posgraos, cursos relacionados cos ámbitos obxecto das bolsas e títulos de idiomas.

II.- Unha segunda fase de entrevista. Os aspirantes seleccionados serán convocados a unha entrevista na cal se valorará o coñecemento xeral sobre a organización dunha oficina e a capacidade de adaptación e de traballo en equipo, especialmente en contornos multiculturais e multilingües. A comisión de valoración poderá efectuar preguntas en lingua inglesa e/ou francesa.

Para máis información: fundaciongaliciaeuropa.eu

Duración e contía

A contía bruta individual das axudas para todo o período será:

– Para as bolsas con destino na oficina da FGE en Santiago de Compostela: doce mil cincuenta euros (12.050 €).

– Para as bolsas con destino na oficina da FGE en Bruxelas: catorce mil seiscientos vinte euros (14.620 €).

Para as persoas bolseiras que vaian realizar a súa formación en Bruxelas establécese unha axuda complementaria de cincocentos euros (500 €) en concepto de gastos de viaxe que serán aboados unha vez comezadas as prácticas.

1. Bolsas e prácticas profesionais

1.1. Fundación Galicia Europa

A Fundación Galicia Europa convoca unha bolsa de formación para a realización de prácticas de auxiliar administrativo na súa oficina en Bruxelas. Esta convocatoria ten por obxecto proporcionar ao/á beneficiario/a a posibilidade de poñer en práctica os coñecementos adquiridos durante os seus estudos, realizando prácticas de aprendizaxe de tarefas administrativas e familiarizándose, así mesmo, en asuntos relacionados co funcionamento da UE en xeral e das institucións europeas en particular. O obxectivo final é permitir unha experiencia e un coñecemento práctico das actividades cotiás dunha oficina e ofrecerlle a posibilidade de traballar nun entorno multicultural e plurilingüe.

BOLSA PARA A FORMACIÓN EN PRÁCTICAS DUN AUXILIAR ADMINISTRATIVO NA OFICINA DA FGE EN BRUXELAS

Requisitos

- Ser nacional dun dos Estados membros da UE.
- Ter nacido en Galicia, ser fillo de galegos ou acreditar residencia en Galicia desde antes do 1 de xaneiro de 2015.
- Estar en posesión dalgún dos seguintes títulos de Formación Profesional: Técnico/a superior en Secretariado ou Técnico/a superior en Asistencia á Dirección obtidos con posterioridade ao 31 de decembro de 2010.

Lugar

Na oficina da FGE de Bruxelas.

Prazos de solicitude

O prazo de presentación de solicitudes será dun mes contado a partir do día seguinte ao da publicación do anuncio da convocatoria no Diario Oficial de Galicia. Entenderase como último día do prazo o correspondente ao mesmo ordinal do día da publicación. Se o último día do prazo for inhábil, entenderase prorrogado ao primeiro día hábil seguinte e, se no mes do vencemento non houber día equivalente ao inicial do cómputo, entenderase que o prazo expira o derradeiro do mes.

Proceso de selección

O proceso de selección dos beneficiarios das bolsas constará de dúas fases:

I.- Unha primeira fase de méritos. Polo que se refire á formación académica e laboral, atenderase ao expediente académico, cursos relacionados coa bolsa e títulos de idiomas.

II.- Unha segunda fase de entrevista. Os aspirantes serán convocados a unha entrevista na que se valorará o coñecemento xeral e de actualidade sobre organización dunha oficina e a capacidade de adaptación e de traballo en equipo, especialmente en contornas multiculturais e plurilingües, podendo a Comisión de Valoración efectuar algunha pregunta en lingua inglesa ou francesa.

Para máis información:

guias.fundaciongaliciaeuropa.eu

Duración e contía

A duración abrangue un período de 12 meses, cunha contía anual de 16.200€ máis 500€ en concepto de gastos de viaxe que serán aboados ao comezo das prácticas.

1. Bolsas e prácticas profesionais

1.1. Fundación Galicia Europa

A Fundación Galicia Europa (FGE) convoca, en colaboración coa Axencia Galega de Innovación (GAIN), unha bolsa para a formación en materia de políticas e programas europeos no ámbito da innovación e a investigación destinada a titulados superiores universitarios.

BOLSA PARA A FORMACIÓN DE TITULADOS UNIVERSITARIOS NO ÁMBITO DA I+D+I NA OFICINA DA FGE EN BRUXELAS

Requisitos

- Ter a nacionalidade española ou ser nacional dun Estado membro da Unión Europea.
- Ser natural de Galicia, ser fillo/filla de galegos ou acreditar a súa residencia en Galicia polo menos desde os dous anos anteriores á publicación da convocatoria e nivel B2 nalgunha das linguas oficiais da Comunidade Autónoma de Galicia.
- Posuír un título universitario de grao, licenciatura, enxeñaría ou equivalente ou acreditar o pagamento dos dereitos para a súa expedición.
- Os estudos conducentes a obtención do título deberon terse rematado dentro dos seis anos anteriores ao da publicación da convocatoria.
- Posuír un nivel B2 ou superior en lingua inglesa.

Lugar

Na oficina da FGE de Bruxelas.

Prazos de solicitude

O prazo de presentación de solicitudes será dun mes contado a partir do día seguinte ao da publicación do anuncio da convocatoria no Diario Oficial de Galicia. Entenderase como último día do prazo o correspondente ao mesmo ordinal do día da publicación. Se o último día do prazo for inhábil, entenderase prorrogado ao primeiro día hábil seguinte e, se no mes do vencemento non houber día equivalente ao inicial do cómputo, entenderase que o prazo expira o derradeiro do mes.

Proceso de selección

O proceso de selección dos beneficiarios das bolsas constará de **dúas fases**:

I.- Unha **primeira fase de méritos**. Polo que se refire á formación académica e laboral, atenderase ao expediente académico, cursos relacionados coa bolsa, participación en proxectos e títulos de idiomas.

II.- Unha **segunda fase de entrevista**. Os aspirantes serán convocados a unha entrevista na que se valorará o coñecemento xeral das institucións comunitarias e políticas europeas (en particular a científica e tecnolóxica), o coñecemento sobre o programa Horizon 2020 e o grao de fluidez na lingua inglesa.

Máis información en: fundaciongaliciaeuropa.eu

Duración e contía

A duración abrangue un período de 12 meses, cunha contía anual de 16.200€ máis 1.100€ en concepto de axuda de desprazamento para gastos de viaxe.